


1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 60



門口 12
號 2908
卷 25

禮書卷第一百二

宋 陳祥道用之 編

明 張溥西銘 閱

盛 順順伯 參

鎧

鎧

五味均平藏

周禮亨人共鼎鎧以給水火之齊小宗伯祭之日
逆齋省鎧小司寇禋祀五帝實鎧水土師祀五帝

洎鑊水少牢饗人陳三鼎在羊鑊之西二鼎在豕
鑊之西詩傳曰有足曰鑄無足曰釜又曰鬲金屬
說文曰江淮之間謂釜曰鑄又曰鑊鑄也鑊釜大
口者又曰朝鮮謂釜曰鑄鑄大釜也一曰鼎上大
下小若甌曰鬻爾雅曰疑足謂之鬲蓋鑊也鑊也
釜也鬻也鑄也鬲也鑊也皆烹飪之器也鑄
有足者也鬲空足者也鬻大釜也鑊釜口大者也
詩以鑄釜湘菜以釜鬻烹魚周禮儀禮以鑊烹牲
則鑊又大于釜矣

鬲

考工記陶人鬲實五觳厚半寸脣寸爾雅窾足謂
之鬲郭璞曰鼎曲脚也然先儒皆以窾爲空太史
自序曰實中其聲者謂之端實不中其聲者謂之
窾則窾非曲也喪禮有重鬲蓋亦取名於鼎鬲歟

甌

鄭司農曰甌無底甌七孔

考工記陶人爲甌實二黼厚半寸脣寸盆實二黼
厚半寸脣寸甌實二黼厚半寸脣寸七穿少牢禮
雍人概鼎七廩人概甌甌爾雅甌謂之鬻鬻錢也
孫炎曰關東謂甌爲鬻涼州謂甌爲錢方言曰自

關而東或謂之甗或謂之鬻或謂之酢餾甗陶器也春秋之時齊有玉甗則其所以實者也鬻大釜也毛氏許慎以鬻爲釜屬而爾雅方言以鬻爲甑則其名同者也考工記豆實三而成觳則觳之所容十二升矣庾實二觳則二斗四升也聘禮十六斗曰庾申豐曰粟五十庾杜預亦曰庾十六斗昭二年左則庾固有大小者也鄭司農曰甗無底甑鄭康成釋儀禮曰甗如甑一孔蓋無底則一孔而已實菹醢者豆而量容四升亦曰豆容六升謂之庾而容二斗四升亦謂之庾有臀謂之釜而無足亦

謂之釜則釜屬謂之鬻甑亦謂鬻可也謂鼎上大下小若鬻曰鬻則鬻非特名甑而已

黍七


挑七

桑七

雜記云札以桑長三尺或曰五尺易曰不喪七鬯詩曰有捄棘七牲禮棘心七刻少牢饋食禮雍人概鼎七俎于雍饗廩人概甑甗七與敦于廩饗有司徹司馬以二手執挑七枋以挹泔注于疏七

若是者三。又云。雍正。雍府加七于鼎東枋。雍人覆二疏七于俎上。蓋七之別有四。有黍稷之七。有牲體之七。有疏七。有喪七。三七以棘喪七。以桑廩人之所概。黍稷之七也。雍人之所概。牲體之七也。牲體之七。挑七也。其制則黍稷之七。小于挑七。挑七小。于疏。何則。敦之量不過三豆。而高不過一尺。則黍稷之七小矣。挹之以挑七。然後注于疏七者三。則疏七大矣。詩于角弓。兕觥皆言其觶。于天畢與七。皆言有挾。則七之制非挺然也。儀禮或作柂。或作七。所謂執七。概七。取七加七。覆七。自七言之也。

所謂柂魚柂者。乃柂長柂。卒柂。自用七言之也。特牲少牢。有司徹公食昏禮。舉鼎執七俎。皆異其人。士喪禮。執七執俎。皆舉鼎者爲之。吉禮尚文。喪禮尚畧。故也。特牲右人于鼎北。七肉左人于鼎西。載諸俎。士虞禮。則右人載者以吉禮。尚右喪禮。尚左故也。



禮書卷第一百三

宋 陳祥道用之 編

明 張溥西銘 閱

盛順順伯 參

棘畢

桑畢

爾雅曰濁謂之畢濁畋器也。郭氏曰掩兔之畢畋器曰畢
祭器亦曰畢皆象畢星也詩曰兕觥其觨角弓其
觨有捄棘七有捄天畢捄者曲而長也則畢之狀
可知矣鄭氏曰畢狀如矢雜記言札用桑長三尺畢用桑

長三尺。刊其柄與末。詩言棘七特牲記亦言棘心。七刻喪七用桑而畢亦桑。則吉七用棘而畢亦棘。此鄭氏所以言七畢皆漆之誤矣。特牲主人及佐食舉義舊圖謂七畢皆漆之誤矣。特牲主人及佐食舉牲鼎宗人執畢先入。贊者錯俎加七。鄭氏曰。主人親舉則宗人執畢導之以畢。臨七載備失脫也。少牢及虞禮無文。何哉。少牢大夫不親舉。虞祭主人未執事。其說是也。大射司馬正東面以弓爲畢。鄭氏曰。畢所以救助執者。則畢又可以用以指教歟。

醴柶

巴白

鋗柶

色赤

說文曰。柶七也。鄭氏曰。柶如七士冠士昏醴柶皆用角。士喪醴柶皆用木。以木質于角故也。士喪東方之饌明奠用木柶。王府大喪共角。柶士喪楔齒用角柶以角貴于木故也。柶施於醴。亦施於鋗。公食大夫少牢饋食鋗柶不言其材。蓋亦角爲之歟。其制則先儒以爲柶長尺。櫛博三寸。醴柶之櫛淺。鋗柶之櫛深。理或然也。柶之所用。有多寡。授柶之禮。有面柶。有面葉。公食大夫設柶鋗而柶板上鋗少牢羞二鋗。皆有柶蓋。仁於賓者。以同爲樂。仁於神。

者○以○異○爲○敬○故○也○冠○禮○贊○者○旣○酌○面○葉○以○授○賓○賓○面○枋○以○授○冠○者○冠○者○面○葉○以○扳○祭○昏○禮○贊○者○旣○酌○祭○聘○禮○宰○夫○旣○酌○面○枋○以○授○公○公○面○枋○以○授○賓○而○授○公○不○面○葉○蓋○冠○之○賓○昏○之○主○人○必○訝○受○而○公○不○訝○受○故○也○

鼓

記曰獻粟米者操量鼓左傳曰晉國以一鼓鐵鑄刑鼎荀子曰瓜桃棗李一本數以益鼓管子曰金鼓滿則人概之隱義云東海樂浪人呼容十二斛

爲鼓

王肅注家語曰三十斤謂之鉤鉤四謂之石石四謂之鼓

夫五量終于斛

而鼓又十二之秉又十六之蓋五者數之備過是者亦推此而已

槧

律歷志以子穀秬黍中者千有二百實其龠以井水准其槧月令仲春正權槧荀子曰勝斛敦槧者所以爲噴也文曰水盈不求槧管子曰釜鼓滿則人槧之曲禮曰食饗不爲槧考工記曰槧而不稅說文曰稅平也謂斗槧則槧以竹木或爲之五量資之以爲平也

考工記

補亦謂之金重一
釣容六斗四升

律歷志

補重二釣容十斗

史及家語曰黃帝設五量考工記稟氏爲量改煎金錫則不耗不耗然後權之權之然後準之準之然後量之量之以爲補深尺者內方尺而圜其外其實一補其聳一寸其實一豆其耳三寸其實一升重一釣其聲中黃鍾之宮槩而不稅前漢律歷志量者龠合升斗斛也本起于黃鍾之龠以子穀秬黍中者千有二百實其龠以井水準其槩龠合爲合十合爲升十升爲斗十斗爲斛而五量嘉矣其法用銅方尺而圜

其外旁有庇焉其上爲斛其下爲斗左耳爲升右耳爲合龠其狀似爵以縻爵祿上三下四參天兩地圜而函方左一右二陰陽之象也其圜象規其重二釣備氣物之數合萬有一千五百二十聲中黃鍾始于黃鍾而反覆焉春秋傳昭三齊舊四量豆區烏侯反管子作區六升金六斗四升金六斗四升六斛四斗爾雅曰匱二升二斛爲豆豆四升四豆曰區四區曰釜二釜四有半曰庾周禮凡萬民之食人四補上也人三補中也人二補下也聘禮十斗曰斛十六斗曰叢鄭氏曰今文叢爲逾斛十叢曰秉十六論語冉

子爲子華之母請粟孔子與之釜請益曰與之庾冉子與之粟五秉月令仲春仲秋角斗甬鄭氏曰甬管今斛也又曰金鑪之數不得爲侈弇爾雅曰坎律銓量也

穀氏以脯爲量而法止于三則升豆脯是也律歷志以斛爲量而法備于五龠合升斗斛是也法止于三故自升而上登之以四則升四而豆豆四而脯故脯六斗四升法備于五故自合而上登之以十則合十爲升升十爲斗斗十爲斛故斛十斗然穀氏之脯深尺內方尺而圓其外其重一鈞律歷

志之斛亦方尺而圓其外其重二鈞其方尺圓外則同而所容之多寡所權之輕重不同何也周禮璧羨之制從十寸橫八寸皆爲度尺脯亦如之則外深尺者十寸之尺也內方尺者八寸之尺也自方八寸而八之則爲方六十四寸漢無八寸之尺斛之內方皆十寸也故言方尺而不言深尺自方十寸而十之則爲方百寸此其實所以不同也穀氏之制旁爲升腎爲豆腹爲脯律歷志之制左耳爲升右耳爲合龠腎爲斗腹爲斛蓋內方所以處數外圜所以利用耳高而小腎卑而博故因其小

者爲升。合因其博者爲斗。豆則古之制器尚象。豈徒然哉。周禮上年人食四餉。則二斛五斗六升。中年人食三餉。則一斛九斗二升。食貨志人月一石五斗。五人終歲爲九十石。然則四餉三餉云者。亦月食也。其多寡不同。皆其大率然也。律歷志五量止于斛。左傳金十則鍾。聘禮十六斛曰數。十數曰秉。四秉曰筥。其法亦起于斛故也。月令曰角斗。甬管子曰甬量也。皆謂之法。則月令之甬管子之甬。皆量器也。鄭康成以甬爲斛而飲器四升曰甬。豈此類歟。經傳餉或作金庾。或作逾區。或作謳升。或

作勝。蓋古字通用。

禮書卷第一百三

終

禮書

卷一百三

六

禮書卷第一百四

宋 陳祥道用之 編

明 張溥西銘 閱

盛 順順伯 參

洗

罍

槃

匜

杓

盆

士喪 盡

周禮鬱人凡裸事沃盥小祝大祭祀沃尸盥小臣大祭祀朝覲沃王盥御僕大祭祀相盥而登天府凡吉凶之事祖廟之中沃盥士師祀五帝則沃尸及王盥泊鑊水士冠禮設洗直于東榮士昏設洗于阼階東南鄉飲酒鄉射設洗于阼階東南皆水在洗東大射設洗于阼階東南罍水在東燕禮設洗篚于阼階東南罍水在東特牲設洗于阼階東南戶盥匜水實于槃中簞巾在門內之右少牢司宮設罍水于洗東有科小祝設槃匜與簞巾于西階東

盛水者罍也斟水者科也盛棄水者洗也天子諸

侯之屋四注故洗當東雷大夫士之屋兩下故洗當東榮水在洗東祖左海也南北以堂深則遠近也公食大夫鄉飲鄉射言洗與水而不及罍大射燕禮言罍水而不及科少牢兼言罍水有科互相備矣故鄭氏于少牢言凡設水用罍沃盥用科禮在此也洗皆在東階士虞設于西階西南反吉禮也篚皆在洗西士虞篚在洗東以洗在西階也然疊洗者臣下之所就熟耳若人君與尸則有槃匜焉公食大夫小臣具槃匜在東堂下士虞匜水錯于槃中南流特牲尸盥匜水實于槃中少牢小祝

設槃匝。蓋人君與戶尊不就洗故設槃匝則匝之用猶罍水也。槃之用猶洗也。開元禮皇帝皇后行事有槃匝亞獻以下及攝事者無之亦君尊不就洗之義士喪設盆盥于饌東則奠禮未

用罍洗歟。

筥

說文曰筥箇也。宋魏之間謂箸筩爲筩則其制圓而長矣。米筥蓋亦類此。

詩曰維筐及筥。筐之筥之。周禮舍人賓客共其筥米掌客上公米百二十筥。侯伯百筥。子男八十筥。左傳曰筐筥鎔釜之器。聘禮君使卿歸饔餼賓與上介皆米百筥。筥半斛。夫人使大夫歸饔餼賓上介米八筐。士介六筐。筐五斛。夫百筥以多爲榮。而

所實少。入筐六筐。以少爲質。而所實多。則筐大而筥小矣。於文筐正而筥圓之。則筐方而筥圓矣。杜預曰方曰筐。圓曰筥。天下之物固有同名而異實。聘禮記曰四秉曰筥。十筥曰稷。則秉把也。與十叢之秉不同。筥齊也。與半斛之筥不同。

筩

士冠禮緇布冠缺項以至緇紐紲同筩。士喪禮復衣受用筩。浴衣盛以筩。禮記言入學鼓筩。史言亡書三筩。則筩所以盛衣亦盛書也。鄭氏曰隋方曰筩。隋者狹而長也。筩亦謂之筩。史稱蘇章負筩。

筭

昏禮婦執筭棗栗以見舅父執筭服修以見姑舅
姑沒則執筭菜以見廟聘禮釋幣埋之實以筭士
喪禮貝三實以筭沐浴巾盛以筭昏禮記曰筭繙
被纏裹加于橋鄭氏曰筭竹器而衣者其形蓋如
今之筥蘆此以漢制況之也舊圖筭揜上於理或
然

筭

儀禮士冠士喪實櫛于筭士虞特牲少牢盥以筭

巾禮曰凡以筭筭問人者左傳曰吳王以一簞珠
問趙孟哀二年論語孟子簞食漢律令曰簞小筐也
鄭氏釋儀禮曰簞筭也說文亦曰簞筭也釋曲禮曰圓曰
筭方曰筭筭筭飯器也然書曰衣裳在筭則筭亦
盛衣

匱

士冠禮爵弁皮弁繙布冠各一匱鄭氏曰匱竹器
名今之冠箱說文曰匱澆米叢也

禮書卷第一百四

終

禮書卷第一百五

宋 陳祥道用之 編

明 張溥西銘 閱

盛順順伯 參

射儀

周禮司裘云王大射則共虎侯熊侯豹侯設其鵠諸侯則共熊侯豹侯卿大夫則共麋侯皆設其鵠者爲祭祀射王將有郊廟之事以射擇諸侯及羣臣與邦國所貢之事可以與祭者射者可以觀德行其容體比於禮其節比於樂而中多者得與於祭諸侯謂三公及王子弟封於畿內者卿大夫亦皆有采地焉其將祀其先祖亦與羣臣射以擇之凡大射各於其射宮侯者其所射也以虎熊豹麋之皮飾其側文方制

之以爲韋謂之鵠著于侯中所謂皮侯王之大射虎侯王所自射也熊侯諸侯所自射豹侯卿大夫以下卿大夫之大射麋侯君臣共射焉凡此侯道虎元十九弓熊七十弓豹麋五十弓列國之諸侯大射大侯亦九十參七十千五十遠尊得伸可同耳所謂正謂之侯者天子中之則能服諸侯諸侯以下中之則得爲諸侯鄭司農云鵠鵠毛也方十尺曰侯四尺曰鵠二尺曰正四寸曰質玄謂侯中之大小取數於侯道鄉射記曰弓二寸以爲侯中則九十弓者侯中廣丈八尺七十弓者侯中廣丈四尺五十弓者侯中廣一丈尊卑異等此數明矣考工記曰梓人爲侯廣與崇方三分其廣而鵠居一焉然則侯中丈八尺者鵠方六尺侯中丈四尺者鵠方四尺六寸大半寸侯中一丈者鵠方三尺三十少半寸謂之鵠者取名於鵠鵠鵠鵠小鳥而難中是以中之爲雋亦取鵠之言較較者直也射所以直其志用虎熊豹麋之皮亦能服猛討迷惑者射者大禮故取義衆也司徒云六藝禮樂射御書數鄉大夫之職曰退而以鄉射之禮

五物詢衆庶一曰和二曰容三曰主皮四曰和容五
曰興舞鄉師黨共射器州長春秋以禮射民射于州
序保氏養國子以道乃教之六藝三曰五射白矢參連刻注
襄尺井儀也司几筵凡大朝覲大饗射凡封國命諸侯王
位設黼依依前南鄉設莞筵紛純加繅席畫純加次
席黼純左右玉几司服王饗射則鷩冕大司樂大射
王出入令奏王夏及射令奏騶虞詔諸侯以弓矢舞
樂師凡射王以騶虞爲節同射儀燕射帥射夫以弓
矢舞大師大射帥瞽而歌射節鍾師九射王奏騶虞
笙師凡祭祀饗射共其鍾笙之樂鑄師凡祭祀鼓其

金奏之樂饗食賓射亦如之車僕大射共三乏司常
凡射共獲旌射人以射法治射儀主以六耦射三侯
三獲三容樂以騶虞九節五正諸侯以四耦射二侯
二獲二容樂以狸首七節三正孤卿大夫以三耦射
一侯一獲一容樂以采蘋五節二正士以三耦射犴
侯一獲一容樂以采蘩五節二正若王大射則以狸
步張三侯王射則令去侯射法王射之禮治射儀謂肆之也鄭司農云三侯虎於長杠也正所射也詩云終日射侯不出正今二侯熊豹也犴侯犴者獸名也獸有羆犴熊虎玄云三侯者五正三正二正之侯也二侯者三正二正之侯也一侯者二正而已此皆與賓射於朝之禮也考工記梓人職曰張五采之侯則遠國屬遠國謂諸侯來朝

者也五采之侯卽五正之侯也正之言正也射者內志正則能中焉畫五正之侯中朱次白次蒼次黃立居外三正損玄黃二正去白蒼而畫以朱綠其外之廣皆居侯中三分之一中二尺今儒家云四尺曰正二尺曰鵠鵠乃用皮其大如正此說失之矣大射禮犴作干讀如宜犴宜獄之犴犴胡犬也士與士射則以犴皮飾侯下大夫也大夫以上與賓射飾侯以雲氣用采各如其正九節七節五節者奏樂以爲射節之差言節者容侯道之數也樂記曰明乎其節之志不失其事則功成而德行立鄭司農云狸步謂一舉足爲一步於今爲半步玄謂狸善搏者也行則止而擬度焉其發必獲是以量侯道者法之也侯道各以弓爲度九節者九十弓七節者七十弓五節者五十弓弓之下制長六尺大射禮曰大侯九十參七十于五十是也三侯者司裘所共虎侯熊侯豹侯也列國之君大射亦張三侯數與天子同大侯熊侯也參讀爲繻繢雜者豹鵠而麋飾下天子大夫也諸子秋合諸射以考其藝而進退之大僕王射則贊王弓矢繕人掌詔王射贊弓矢

之事梓人爲侯廣與崇方參分其廣而鵠居一焉上兩箇與其身三下兩箇半之上綱與下綱出舌尋續寸焉張皮侯而棲鵠則春以功張五采之侯則遠國屬張獸侯則王以息燕禮記曲禮君使士射不能則辭以疾言曰某有負薪之憂王制命鄉簡不帥教者以告耆老皆朝于庠元日習射上功凡執技論力適四方羸股肱決射御季秋司徒摶扑北面誓之天子乃厲飾執弓矢以獵令月令獵爲射孟冬天子乃命將帥講武習射御角力郊特牲孔子曰射之以樂也何以聽何以射孔子曰士使之射不能則辭以疾縣弧之義

也內則子生男子設弧於門左成童舞象學射御少儀侍射則約矢侍投則擁矢樂記武王克殷散軍而郊射左射狸首右射騶虞而貫革之射息也射義古者諸侯之射也必先行燕禮卿大夫士之射也必先行鄉飲酒之禮其節天子以騶虞爲節諸侯以狸首爲節卿大夫以采蘋爲節士以采蘩爲節騶虞者樂官備也狸首者樂會時也采蘋者樂循法也采蘩者樂不失職也孔子射於矍相之圃蓋觀者如堵牆射至司馬使子路執弓矢出延射曰賁軍之將亡國之大夫與爲人後者不入其餘皆入蓋去者半入者半

又使公罔之裘序點揚禪而語公罔之裘揚禪而語曰幼壯孝弟耆耋好禮不從流俗修身以俟死者不在此位也蓋去者半處者半序點又揚禪而語曰好學不倦好禮不變旄期稱道不亂者不在此位也蓋勵有存者孔子曰射者何以射何以聽循聲而發發而不失正鵠者其惟賢者乎若夫不肖之人則彼將安能以中書益稷曰侯以明之太甲曰若虞機張往省括于度則釋盤庚上予告汝于難若射之有志詩車攻決拾既佽弓矢既調射夫旣同助我舉柴賓之初筵大侯旣抗弓矢斯張射夫旣同獻爾發功發彼

有的以祈爾爵

古者祈子帶弓韁生子縣桑弧其成童也教以射其貢之也試以射則射豈君子之所可忽耶然則弧矢之作始於黃帝易曰弦木爲弧剡木爲矢世本曰黃帝之臣揮作弓夷牟矢侯以明之見於虞書至周弓之別有六矢之別侯皮侯五采侯獸侯侯之別有三則大射有八侯之別有三賓射燕射之侯也士無大射而有賓射燕射庶人無賓射燕射特有主皮之射而已周官司裘於王共虎侯熊侯豹侯設其鵠諸侯熊侯豹侯卿大夫共麋侯皆設其鵠此大射之侯也梓人所謂張皮

侯而棲鵠則春以功是也。射人以射法治射儀主射三侯五正諸侯射三侯三正孤卿射大夫一侯二正士射軒侯二正此賓射之侯也。梓人所謂張五采之侯則遠國屬是也。鄉射記曰凡侯天子熊侯白質諸侯麋侯赤質大夫布侯畫以虎豹士布侯畫以麋豕此燕射之侯也。梓人所謂張獸侯以息燕是也。大射之侯用虎熊豹麋之皮飾其側而中又制皮以爲鵠賓射之侯亦虎熊豹麋之皮飾其側而中畫五色朱白蒼黃玄以爲正燕射之侯則畫熊麋虎豹鹿豕之形以象鵠此三射之別也。然司

裘諸侯熊侯豹侯則畿內諸侯大射之禮也。畿外諸侯大侯參侯干侯故大射禮量人巾車張三侯大侯之崇見鵠於參參見鵠於干干不及地武是也。司裘不言軒侯以士無大射故也不言參侯以畿外非司裘所共故也。射人言士軒侯二正則王三侯之爲虎熊豹諸侯二侯之爲熊豹大夫之侯亦爲麋可知也。蓋大射以鵠則猶賓射之有正也賓射有皮則猶大射之飾其側也。大射側中皆皮故曰皮侯。賓射側皮而中五采故曰五采之侯。則司裘射人之三侯二侯一侯其側則同而所異者。

中而已。鄭司農釋射人曰三侯熊虎豹二侯熊豹是也。鄭康成曰三侯五正三正二正之侯二侯三正二正之侯一侯二正而已。其說非也。蓋王三侯皆五正諸侯二侯皆三正。經言王五正康成謂有三正二正經言諸侯三正康成謂有二正可乎。夫天子諸侯所尚者威。孤卿大夫所尚者才。士所尚者志。威以服猛爲事而虎熊豹皆猛獸也。故天子大射之侯以虎熊豹才以除害爲職而麋害穀者也。故大夫大射之侯以麋士以有事四方爲能以勝夷狄之守爲善而犴胡犬也。故士賓射之侯以

犴然燕射天子降以熊諸侯降以麋大夫止用虎豹。士用鹿豕者息燕勞功則禮殺於祭祀賓客故天子諸侯殺其威然後能下。下孤卿大夫隆其才然後能衛上。大夫隆其才以至於威。士隆其志以至於才。則燕之爲禮所以異乎。大射賓射之嚴分守也。麋鹿類也。豕亦害物者也。春秋以冬多麋爲災。詩以町疃鹿塲爲患。禮記以食田豕爲虎之功。此麋鹿豕之不可不除也。然則畿外諸侯大射以大侯參侯干侯何也。大侯熊侯也。參侯麋侯也。干侯犴侯也。諸侯三侯熊爲上。故曰大侯大夫麋侯。

參於天子諸侯之侯爲三。故曰參侯。天子得以兼諸侯之侯。故有熊侯。諸侯得以兼大夫士之侯。故有麋侯。犴侯。康成以參爲穆。謂穆侯豹鵠而麋飾以大夫用虎豹不忘上下相犯。士用鹿豕不忘君臣相養。非射禮之意也。鵠取名於鴻。鵠正取名於題肩。皆鳥之捷黠難中者。故以中爲雋焉。其義則鵠者直也。正也。直已正志。然後能中。故記曰不失正鵠者其惟賢者乎。

毛氏曰。二尺曰正。的質也。鄭衆馬融釋周禮皆曰。十尺曰侯。四尺曰鵠。二尺曰正。四寸曰質。王肅亦曰。二尺曰正。四寸曰質。又引爾雅曰。射侯皮。謂之侯。侯中謂之鵠。鵠中謂之正。正方二尺也。正中謂之繫。七尺也。繫周質也。肅以爾雅故改質爲六寸。賈逵釋

周禮曰。四尺曰正。正五重鵠在其內而方二尺。鄭衆馬融王肅則以正。在鵠內。賈逵則以鵠在正內。二者之說皆無所據。要之大射之侯。棲鵠賓射之侯。設正燕射之侯。畫獸以象正鵠而已。考工記梓人爲侯。廣與崇方三分其廣。正居一也。蓋弓二寸以爲中。虎侯九十弓。則侯中丈八尺。鵠方六尺。熊侯七十弓。則侯中丈四尺。鵠方四尺六寸有奇。豹侯麋侯五十弓。則侯中丈。鵠方三尺三寸有奇。鄭衆馬融之徒以四尺曰鵠誤也。

侯制

大射量人量侯道以狸步。大侯九十參七十千五十
鄉射記侯道五十弓。弓二寸以爲侯中。倍中以爲躬
倍躬以爲左右舌。下舌半上舌。夫王之虎侯謂之大
侯。諸侯熊侯亦謂之大侯。諸侯大侯九十參七十千
五十則天子虎九十弓。熊七十弓。豹五十弓可知。豹
五十弓則麋亦五十弓可知。先儒謂弓之下制六尺
則九十弓者五十四丈。七十弓者四十二丈。五十弓
者三十丈。弓二寸以爲侯中。則九十弓者中丈八尺。
七十弓者中丈四尺。五十弓者中十尺。侯中廣崇方

則五十弓之侯用布五幅長丈。則中之布方丈矣。倍
中以爲躬。則上躬下躬各二丈矣。倍躬以爲左右舌
下舌半上舌。則上左右舌布四丈而出躬各一丈。下
左右舌布三丈而出躬各五尺矣。鄭氏謂半者半其
出於躬是也。鄉射記曰。侯道五十弓。射人若王大射
則以狸步張三侯。大射量人以狸步量侯道。蓋狸善
搏者也。行則止而擬度焉。其發必獲。大射擇士欲其
能擬度而獲也。故以狸步非大射則弓而已。弓之下
制六尺。狸再舉足亦六尺。其爲步同其所用異也。古
者制度取於身而器用生於類。故侯道生於弓而侯

中亦生於弓。弓二寸以爲侯。中步中以爲弓。倍躬以爲左右舌。下舌半上舌。而侯道之遠。侯中之廣者雖不止此。然十弓者。侯道之所始也。故五十弓之侯。其上則象人八尺之臂。五六三十而用布三丈。中其身也。上則象人六尺之足。五六四十而用布四丈。其下則下其躬也。躬之左右出者舌也。持舌者綱也。籠綱者縝也。其不及地者武而已。則下綱其足也。武其足迹也。中人之迹二尺二寸。則侯之制度取於身可謂備矣。

天子虎侯

熊侯

豹侯

禮記郊特牲曰。卜之日王立于澤。親聽誓命。儀禮大射畢。公入鷙禮記言。王之出於澤。儀禮言。公之出於澤。則天子澤宮。郊小學也。諸侯澤宮。郊之大學也。鄉射記曰。於郊則閭中。此諸侯郊射之中也。司裘天子大射三侯。虎侯侯道九十弓。侯中丈八尺。鵠方六尺。熊侯侯道七十弓。侯中丈四尺。鵠方四尺六寸有奇。豹侯侯道五十弓。侯中十尺。鵠方三尺三寸有奇。鄭氏謂王之大射。王射虎侯。諸侯助祭者射熊侯。卿

大夫士助祭者射豹侯其說蓋以大射禮公射大侯大夫射參士射干而知之也天子諸侯與其臣大射賓射皆異侯而燕射與其臣則同侯蓋異侯所以辨其等同侯所以一其驩也凡侯面北西方謂之左其張而未射也不繫左下綱中掩束之及射則說束遂繫左下綱

禮書卷第一百五 終

禮書卷第一百六

宋 陳祥道用之 編

明 張溥西銘 閱

盛順順伯 參

畿內諸侯熊侯

中與上下躬上下個與

豹侯

上中下躬上下個與天子豹侯之制同

司裘諸侯大射共熊侯豹侯鄭康成曰諸侯謂三公及王子弟封於畿內者熊侯諸侯所自射豹侯羣臣所射是也侯步之制蓋與天子熊侯豹侯同與畿外之熊侯參侯異遠近屈伸之勢然也射人諸侯二侯

四耦亦畿內諸侯耳。

畿內卿大夫麋侯

中與上下躬上
下個同豹侯

司裘卿大夫射共麋侯。侯道五十弓。侯中十尺鵠三尺三寸有奇。天子諸侯之射與臣異。侯尊君也。大夫之射與臣同。侯避君也。士事人。非事與人者也。故有僚友而無臣。故無大射擇士之禮。

畿外諸侯大侯

中亦廣崇丈八尺。上下躬
躬个亦與天子大侯同

參侯

中躬个廣修
與麋侯同

詩曰大侯旣抗天子之侯也。大射禮大侯九十。諸侯

干侯

中躬个廣修
與參侯同

之侯也。天子大侯九十步。而諸侯大侯亦如之。參侯以眡天子熊侯。干侯以眡天子豹侯。則步中躬舌之制可知。大侯之崇見鵠於參。參見鵠於干。干不及地。武鄭氏曰。中人之足長尺二寸。以軒侯計之。參侯去地一丈五寸少半寸。大侯去地二丈二尺少半寸。是也。何則。干侯中十尺。上下躬舌。名二尺爲八尺。則丈八尺矣。又下不及地。尺二寸。則軒侯上綱去地丈九尺二寸矣。參侯中丈四尺。上下躬舌八尺。則二丈二尺矣。鵠居侯中三分之一。則參鵠之下。與軒侯上綱埒。此所謂見鵠於軒也。大侯中丈八尺。上下躬舌八

尺則二丈六尺矣鵠居侯中三分之一則大鵠之下與參侯上綱埒此所謂見侯於參也諸侯如此則天子虎侯見鵠於熊熊侯見鵠於豹豹不及地武又可知也

天子虎侯五正

熊侯五正

梓人曰張五采之侯則遠國屬五采之侯卽五正之侯也然則射人主以六耦射三侯五正以至士以三侯射一侯二正皆賓射也鄭氏曰五正之侯中朱次

白次蒼次黃而玄居其外三正損玄黃正二去白蒼而畫以朱綠賈公彥謂中朱以下皆以相尅爲次南爲首故先朱攷之聘禮記繅籍三采朱白蒼二采朱綠則三正去玄黃二正朱綠理或然也司裘諸侯大射二侯射人諸侯賓射亦二侯畿內諸侯也若畿外則三侯矣二侯四耦則三侯六耦矣儀禮大射畿外諸侯之制也三耦射畢然後公射又三耦射畢然後公再射乃獲飲觶則三侯亦六耦也獻服不獻釋獲耦然不作射不作取矢以其非正禮故也者之後又命五昔晉范獻子聘於魯魯侯享之射者三耦公臣不足取於家臣蓋方是時公室卑矣

不能如禮

諸侯熊侯五正

豹侯三正

鄉射記君國中射則皮樹中於郊則闔中於境則虎中先儒謂國中燕射也境賓射也然諸侯賓射不特於境而已其在國中亦皮樹中魯襄公享晉范獻子射者三耦此諸侯賓射歟

大夫麋侯二正

士犴侯二正

士有賓射而不預王之賓射故射人無士之摯位士

無大射而與王之大射故司裘豹侯士射焉鄉射記言鄉侯之遠近廣狹而不言其侯鄭康成謂鄉射當張麋侯二正

禮書卷第一百六

終

禮書卷第一百七

宋 陳祥道用之 編

明 張溥西銘 閱

盛順順伯 參

天子熊侯白質

諸侯麋侯赤質

大夫布侯

士布侯

鄉射記曰凡侯天子熊侯白質諸侯麋侯赤質大夫布侯畫以虎豹士布侯畫以鹿豕凡畫者丹質鄭氏

曰此所謂獸侯也白質赤質皆謂采其地其地不采者白布也蓋白德之成赤事之著故天子之侯白質諸侯之侯赤質天子諸侯言質而不言布大夫士言布畫而不言質則大夫士其地不采可知也君陽而奇故畫一臣陰而耦故畫二畫非特其首而已鄭氏之徒謂六獸皆正面畫其首於正鵠之處猶狸首射不來者之首也然天子歌騶虞大夫歌采蘋士歌采繁三詩皆爲射節而無射事孰謂狸首必射不來者之首耶考工記曰張獸侯以息燕鄭氏以息爲休農息老物於義或然古者燕服黃衣狐裘蜡亦黃衣狐

裘燕蜡同服則射之同侯不亦可乎

主皮之射

周禮鄉大夫以鄉射之禮五物詢衆庶有主皮之射鄉射記曰禮射不主皮主皮之射者勝者又射不勝者降鄭氏釋周禮曰庶民無射禮因田獵分禽則有主皮釋鄉射曰禮射大射賓射燕射也不主皮者貴其容體比於禮其節比於樂不待中爲備也言不勝者降則不復升射也主皮者無侯張獸皮而射之主於獲也尚書大傳曰戰鬪不可不習故於蒐狩以閑之也閑之者貴之也貴之者習之也凡祭取餘獲陳

於澤然後卿大夫相與射也。中者雖不中也取不中者。雖中也不取所以貴揖讓之取也。而賤勇力之取。嚮之取也。於圍中。勇力之取也。今之取也。於澤宮。揖讓之取也。澤習禮之處。非所以行禮其射。又主中此主皮之射。與蓋主皮之射。庶人之禮也。鄉大夫或用之於澤宮。鄉大夫或用之以詢衆庶。用之以詢衆庶。在和以容之後。則主皮之射。雖君子之所不廢。亦非其所尚也。晚周之時。射尚主皮。故孔子譏之曰。射不主皮。爲力不同科。古之道也。

貫革之射

司弓矢王弓弧弓以授射甲。革楨質者弓人曰徃體寡來體多謂之王弓之屬。利射革與質。禮記曰。散軍而郊射。左射狸首。右射驃虞。而貫革之射息也。春秋傳曰。楚使潘延之黨與養由基蹲甲而射之。微七孔焉。杜預曰。黨潘延之子。蹲聚也。一發達七孔。言其能陷堅成十六年。鄭氏釋司弓矢曰。甲革革甲也。釋弓人曰。革謂干盾。釋樂記曰。貫革穿革甲也。考之國語有三革之制。齊語曰。定三革。韋日甲。胃盾也。則射革非特甲也。

射服

大夫鷩冕
燕射皮弁

司服王祀先公饗。射則鷩冕。賈公彥曰。主饗食在廟

故服鷩冕大射在西郊虞庠亦服鷩冕燕射在寢則朝服燕禮記於寢賓射在朝則皮弁服然王燕以朝服則燕射亦皮弁也詩以有頰者弁刺幽王之不宴同姓以側弁之義刺幽王之飲酒無度此燕射用皮弁之證也射人掌國之三公孤卿大夫之位三公北面孤東面卿大夫西面其摯三公執璧孤執皮帛卿大夫鴈諸侯在朝則皆北面蓋大射賓射燕射之位一也大射王服七章之鷩冕故三公執五命子男之璧執五命子男之璧則五章之毳冕矣王降袞冕以接賓三公降鷩冕以從王卿大夫而下不降故執其

等之摯服其等之服

扑

鄉射記曰楚扑長如筭刊本尺文曰射者有過則撻之蓋衆之所以威不足以制之故古者閭胥於鄉小胥於學有臚撻司市於市有朴罰司徒於誓田亦有朴書稱朴作敎刑以記之禮稱下楚二物收其威也則射之有朴宜矣鄉射司射既誘射乃適階西取扑搘之及升堂告賓則去朴降而及位則搘朴升而去朴所以敬尊也降而搘朴所以威重也

禮書卷第一百七

終

禮書卷第一百八

宋 陳祥道用之 編

明 張溥西銘 閱

盛順順伯 參

貢士與射

射儀曰古者諸侯歲獻貢士於天子天子試之於射宮其容體比於禮其節比於樂而中多者得與祭其容體不比於禮其節不比於樂而中少者不得與祭數與於祭而君有慶數不與於祭而君有讓數有慶而益地數有讓而削地故曰射者射爲諸侯也書傳

稱諸侯之於天子三年一貢士一適謂之好德再適謂之賢賢三適謂之有功一不適謂之過再不適謂之敖三不適謂之誣其適則有衣服弓矢秬鬯虎賁之賞其不適則有紺爵之罰漢武紀有司奏類其言亦類於此則貢士與射其來尚矣蓋人之賢不肖不能逃於威儀揖讓之間而好惡趨舍常見於行同能偶之際故射於澤宮飾之以禮樂以觀其德比之以偶以觀其類則人材其有遺乎

射樂

天子騶虞九節

諸侯狸首七節

孤卿大夫采蘋五節

士采蘩五節

射人王射以騶虞九節諸侯射以狸首七節孤卿大夫以采蘋五節士以采蘩五節射儀曰騶虞樂官備也狸首樂會時也采蘋樂循法也采蘩樂不失職也儀禮大射鄉射皆司射命射者曰不敢不釋大射奏狸首間若一鄉射奏騶虞間若一文曰歌騶虞若采蘋皆五終鄭氏曰鄉射之鼓五節歌五終所以將八矢一節之間當拾發四節四拾其一節先以聽也然

則王之九節五節先以聽。諸侯七節三節先以聽。尊者先以聽。則多卑者先以聽。則寡。所以優尊者欲其先知之審也。然則王射以騶虞大夫士之鄉射亦以騶虞者鄉射之詢衆庶亦欲官備於天子也。鄉射合樂大射不合樂者鄉射屬民欲同其意故合樂大射擇士與祭欲嚴其事故不合樂。

大射之位

鄉射之位

鄉射於序而用鹿中鄭氏謂士爲州長者之禮也。然其言射必兼庠序言禮必兼大夫周官鄉大夫有鄉

射之禮則鄉射不特士而已。大射前二日宰夫戒宰及司馬鄉射不言蓋戒與射同日也。大射有大射正小射正司射鄉射則有司而已蓋皆主人之吏爲之也。大射設次於東故不適堂西鄉射無次故射者適堂西而已。大射負侯者諾則以宮又諾以商鄉射獲者諾聲不絕而已。大射獻服不則侯西北三步北面拜受爵鄉射獻獲者於侯而已以服不士也故獻近於乏鄉人賤也故獻卽於侯也。大射鍾師以鍾鼓奏祓夏鄉射以鼓祓夏以君尊故有鍾鼓大夫士卑特用鼓也。大射度侯道以狸步鄉射則度以躬大射之

西十步北十步鄉射則走參侯道居侯黨之一西五
步此大射鄉射之別也

